

OLMEPAN FILM-COATED TABLETS

Olmesartan Medoxomil and Amlodipine (20mg/5mg, 40mg/5mg, 40mg/10mg)

Apakah yang ada pada risalah ini

1. Apakah kegunaan OLMEPAN
2. Bagaimana OLMEPAN berfungsi
3. Sebelum menggunakan OLMEPAN
4. Cara menggunakan OLMEPAN
5. Semasa menggunakan OLMEPAN
6. Kesan-kesan sampingan
7. Cara penyimpanan dan pelupusan OLMEPAN
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP
11. Nombor Siri

Apakah kegunaan OLMEPAN

OLMEPAN digunakan untuk rawatan tekanan darah tinggi bagi pesakit yang tekanan darah mereka tidak cukup terkawal dengan sama ada olmesartan medoxomil atau amlodipine sahaja.

Bagaimana OLMEPAN berfungsi

OLMEPAN mengandungi dua bahan yang dipanggil olmesartan medoxomil dan amlodipine (sebagai amlodipine besylate). Kedua-dua bahan ini membantu untuk mengawal tekanan darah tinggi.

- Olmesartan medoxomil tergolong dalam kumpulan ubat-ubatan yang dipanggil “*angiotensin-II receptor antagonists*” yang menurunkan tekanan darah dengan cara mengendurkan pembuluh darah.
- Amlodipine tergolong dalam kumpulan ubat-ubatan yang dipanggil “*calcium channel blockers*”. Ia menyekat kalsium daripada bergerak ke dalam dinding pembuluh darah yang menghalang pembuluh darah daripada menjadi sempit, seterusnya mengurangkan tekanan darah.

Tindakan kedua-dua bahan ini menyumbang untuk menghentikan pengetatan saluran darah, supaya saluran darah berehat dan tekanan darah menurun.

Sebelum mengambil OLMEPAN

- *Bila tidak boleh mengambil*

- Jangan ambil OLMEPAN jika anda:
 - alah kepada olmesartan medoxomil atau amlodipine atau kumpulan ubat calcium channel blockers yang

tertentu atau *dihydropyridines*, atau sebarang bahan OLMEPAN yang lain (disenaraikan dalam **Maklumat Lanjut**).

- Jika anda berpendapat bahawa anda mungkin alah kepada produk ini, sila berbincang dengan doktor anda sebelum mengambil OLMEPAN.
- anda dalam trimester kedua atau ketiga kehamilan (Anda disyorkan agar tidak mengambil OLMEPAN pada peringkat awal kehamilan – lihat bahagian “Mengandung dan menyusukan anak”)
- mempunyai masalah hati yang teruk
- mempunyai salur hempedu yang tersumbat, rembesan hempedu terjejas atau pengaliran keluar hempedu dari pundi hempedu tersumbat (contohnya disebabkan oleh batu karang), atau jika anda mengalami *jaundice* (kulit dan mata menjadi kekuningan).
- mempunyai tekanan darah yang sangat rendah.
- mengalami bekalan darah yang tidak mencukupi ke tisu-tisu anda (termasuk bekalan darah yang tidak mencukupi disebabkan masalah jantung), dengan simptom-simptom seperti tekanan darah rendah, denyutan nadi yang lemah, degupan jantung yang laju (kejutan, termasuk *cardiogenic shock*). *Cardiogenic shock* bermaksud kejutan disebabkan oleh masalah jantung yang teruk.
- mengalami aliran darah dari jantung anda terhalang (cth. disebabkan penyempitan arteri (*aortic stenosis*))
- mengalami output jantung yang rendah (mengakibatkan sesak nafas atau bengkak pada bahagian kaki atau tangan) selepas serangan penyakit jantung (*acute myocardial infarction*).
- menghidap kencing manis atau gangguan fungsi buah pinggang dan anda sedang dirawat dengan ubat yang merendahkan tekanan darah yang mengandungi aliskiren.

Mengandung dan menyusukan anak

Jangan ambil OLMEPAN jika anda mengandung, sedang merancang untuk mengandung atau mungkin mengandung.

Doktor anda biasanya akan menasihati anda supaya berhenti mengambil OLMEPAN sebelum anda hamil atau sebaik sahaja anda mendapat tahu bahawa anda hamil, dan beliau akan menasihati anda supaya mengambil ubat lain selain OLMEPAN.

Pengambilan OLMEPAN tidak disyorkan pada peringkat awal kehamilan dan dilarang apabila kandungan berusia lebih daripada 3 bulan, kerana ubat ini boleh membawa kemudaratan yang serius pada bayi anda sekiranya digunakan selepas bulan ketiga kehamilan. Jika anda didapati hamil semasa menjalani rawatan OLMEPAN, sila beritahu dan jumpa doktor anda dengan segera.

Jangan ambil OLMEPAN jika anda sedang menyusukan anak kerana amlodipine boleh meresap ke dalam susu manusia. Tidak diketahui sama ada amlodipine akan membahayakan bayi.

OLMEPAN tidak disyorkan untuk ibu yang menyusukan anak. Doktor anda mungkin memilih rawatan lain untuk anda sekiranya anda ingin menyusukan anak, terutamanya jika bayi anda baru lahir atau dilahirkan pramatang.

Dapatkan nasihat daripada doktor atau ahli farmasi anda sebelum mengambil sebarang ubat.

- *Sebelum mula mengambil OLMEPAN*

Sebelum anda mengambil tablet ini, sila beritahu doktor anda sekiranya anda mengalami

- Mengalami masalah ginjal atau pemindahan ginjal.
- Mengalami penyakit hati.
- Mengalami kegagalan jantung atau masalah dengan injap jantung atau otot jantung anda.
- Mengalami muntah yang teruk, cirit birit, rawatan dengan dos diuretics yang tinggi atau sekiranya anda mengamalkan diet rendah garam.
- Mengambil ubat-ubat seperti *ACE-inhibitors*, *angiotensin II receptor*

OLMEPAN FILM-COATED TABLETS

Olmesartan Medoxomil and Amlodipine (20mg/5mg, 40mg/5mg, 40mg/10mg)

- blockers*, ubat antitarang bukan steroid atau aliskiren.
- Mengalami penyakit ginjal yang disebabkan oleh kencing manis.
- Mengalami peningkatan paras kalium dalam darah anda disebabkan penggunaan suplemen kalium, *potassium-sparing diuretics*, pengganti garam yang mengandungi kalium atau produk ubat lain yang boleh meningkatkan paras kalium.
- Sedang menjalani rawatan dengan *Lithium*
- Mengalami masalah dengan kelenjar adrenal anda (kelenjar yang menghasilkan hormon yang berada di atas ginjal).
- Hamil atau merancang untuk hamil atau menyusukan anak.

- Jika mengambil ubat-ubat lain

Sila beritahu doktor anda sekiranya anda sedang mengambil ubat-ubat yang lain, termasuk yang anda beli tanpa preskripsi dari farmasi, pasar raya atau kedai makanan kesihatan, khususnya mana-mana daripada yang berikut:

- Ubat-ubat lain yang mengurangkan tekanan darah seperti *alpha blockers* atau *diuretics*. Doktor anda mungkin perlu mengubah dos anda dan/atau mengambil Langkah berjaga-jaga lain sekiranya anda mengambil *ACE inhibitor* atau aliskiren.
- Produk ubat-ubatan yang menjejaskan paras kalium seperti suplemen kalium, pengganti garam yang mengandungi kalium, *diuretics* penjimatan kalium (*potassium-sparing diuretics*), *ACE inhibitors* atau *heparin* (untuk mencairkan darah dan mencegah darah beku).
- *Lithium* yang digunakan untuk merawat *mood swings* dan beberapa jenis kemurungan. Penggunaan *lithium* dan OLMEPAN secara serentak boleh meningkatkan ketoksikan *lithium*. Jika anda perlu mengambil *lithium*, doktor anda akan mengukur paras *lithium* dalam darah anda.

Ubat Antiradang Bukan Steroid (*Non-Steroidal Anti-Inflammatory Drugs, NSAIDs*) yang digunakan untuk melegakan kesakitan, bengkak dan simptom-simptom lain keradangan, termasuk arthritis (cth. selective COX-2 inhibitors, acetylsalicylic acid dan non-selective NSAIDs).

Penggunaan NSAID dan OLMEPAN secara serentak boleh meningkatkan risiko kegagalan buah pinggang. NSAID boleh mengurangkan kesan OLMEPAN.

- Sesetengah antasid yang digunakan untuk merawat ketidakhadaman atau pedih ulu hati cth. *aluminium magnesium hydroxide*.
- *Protease inhibitors* yang digunakan untuk merawat HIV/AIDS.
- Ubat antikulat Azole yang digunakan untuk merawat jangkitan kulat.
- Sesetengah antibiotik seperti erythromycin, clarithromycin atau rifampicin.
- Diltiazem dan verapamil yang digunakan untuk masalah ritma jantung dan tekanan darah tinggi.
- Dantrolene yang digunakan untuk merawat ketegangan dan kekejangan otot.
- Simvastatin yang membantu merendahkan kolesterol dan lemak dalam darah.
- Tacrolimus yang digunakan untuk merawat penyakit kulit seperti *eczema*.
- Cyclosporine yang digunakan untuk mencegah penolakan organ dalam orang yang telah menerima pemindahan hati, ginjal atau jantung.
- *St. John's wort (Hypericum perforatum)*, sejenis ubat herba.
- Produk perubatan yang digunakan untuk merendahkan tekanan darah, seperti *ACE inhibitors*, *angiotensin II receptor blockers* atau aliskiren.
- Colesevelam hydrochloride yang digunakan untuk merendahkan paras kolesterol dalam darah.

Beritahu doktor atau ahli farmasi anda sekiranya anda sedang mengambil, baru-baru ini telah mengambil atau mungkin akan mengambil sebarang ubat lain.

Cara menggunakan OLMEPAN

- Berapa banyak harus digunakan

Ikut semua arahan yang diberitahu oleh doktor dan ahli farmasi anda dengan teliti. Ia mungkin berbeza daripada maklumat yang terdapat dalam risalah ini. Jika anda tidak memahami arahan-arahan pada label, minta bantuan daripada doktor atau ahli farmasi anda.

OLMEPAN 20mg/5mg boleh diberikan kepada pesakit dengan tekanan darah yang tidak cukup terkawal dengan Olmesartan Medoxomil 20mg atau Amlodipine 5mg sahaja.

OLMEPAN 40mg/5mg boleh diberikan kepada pesakit dengan tekanan darah yang tidak cukup terkawal dengan OLMEPAN 20mg/5mg.

OLMEPAN 40mg/10mg boleh diberikan kepada pesakit dengan tekanan darah yang tidak cukup terkawal dengan OLMEPAN 40mg/5mg.

Dos OLMEPAN yang disarankan ialah satu tablet sehari. Tablet boleh diambil dengan makanan atau tidak. Telan tablet dengan sedikit cecair (contohnya segelas air). Jangan kunyah tablet ini. Jangan ambil tablet bersama jus limau gedang.

- Bila perlu digunakan

Ambil seperti yang diarahkan oleh doktor atau ahli farmasi anda.

Jika boleh, ambil dos harian anda pada masa yang sama setiap hari, contohnya sewaktu sarapan.

OLMEPAN FILM-COATED TABLETS

Olmesartan Medoxomil and Amlodipine (20mg/5mg, 40mg/5mg, 40mg/10mg)

- Berapa lama perlu digunakan

Teruskan mengambil OLMEPAN selama tempoh yang disarankan oleh doktor anda.

- Jika terlupa menggunakan

Rujuk kepada doktor atau ahli farmasi anda mengenai apa yang perlu dilakukan jika anda terlupa untuk mengambilnya.

Ambil dos yang tertinggal sebaik sahaja anda teringat. Jika sudah tiba masa untuk dos yang berikutnya, tunggu sehingga masa untuk dos berikutnya dan abaikan dos yang tertinggal. Jangan ambil dos berganda bagi menggantikan dos yang tertinggal.

- Jika mengambil berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat jika anda fikir anda atau orang lain mungkin telah terambil dos berlebihan ubat ini. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

Mengambil terlalu banyak tablet boleh menyebabkan tekanan darah yang rendah, degupan jantung yang laju atau perlahan.

Jika anda mengambil tablet dalam kuantiti yang lebih banyak daripada sepatutnya atau jika kanak-kanak tertelan tablet ini secara tidak sengaja, segera jumpa doktor anda atau pergi ke jabatan kecemasan terdekat dan bawa bungkusan ubat atau risalah ini bersama anda.

Cecair berlebihan mungkin terkumpul dalam paru-paru anda (*pulmonary oedema*), menyebabkan sesak nafas yang mungkin dialami dalam masa 24-48 jam selepas pengambilan ubat.

Semasa menggunakan OLMEPAN

- Perkara yang perlu dilakukan

Ambil ubat anda mengikut arahan doktor anda.

Maklumkan kepada semua doktor, doktor gigi dan ahli farmasi yang merawat anda bahawa anda sedang mengambil OLMEPAN.

Beritahu doktor anda dengan segera jika anda hamil semasa menggunakan ubat ini.

- Perkara yang tidak boleh dilakukan

Jangan berhenti mengambil ubat ini kecuali diarahkan oleh doktor anda.

Jangan mula mengambil sebarang ubat baharu tanpa berbincang dengan doktor atau ahli farmasi anda.

Jangan berikan OLMEPAN kepada orang lain walaupun sekiranya mereka mempunyai simptom-simptom atau penyakit yang sama seperti anda.

- Perkara yang perlu diberi perhatian

Kanak-kanak dan remaja (di bawah 18 tahun):
OLMEPAN tidak disarankan untuk kanak-kanak dan remaja di bawah 18 tahun.

Pesakit berusia:
Jika anda berusia lebih daripada 65 tahun, doktor anda akan memeriksa tekanan darah anda secara kerap setiap kali dos dinaikkan bagi memastikan tekanan darah anda tidak menjadi terlalu rendah.

Pesakit berkulit gelap:
Sama seperti ubat lain yang serupa, kesan pengurangan tekanan darah OLMEPAN mungkin tidak begitu berkesan bagi pesakit berkulit gelap.

Memandu dan menggunakan jentera

Ubat ini mungkin mengganggu keupayaan anda untuk memandu atau mengendalikan jentera. Jika ubat ini menyebabkan anda terasa loya, pening, letih, atau sakit kepala, jangan memandu atau mengendalikan jentera

dan hubungi doktor anda dengan segera.

Kandungan natrium

Ubat ini mengandungi kurang daripada 1 mmol natrium (23 mg) setiap tablet bersalut filem, iaitu pada dasarnya 'bebas natrium'.

Kesan-kesan sampingan

Seperti ubat-ubat lain, OLMEPAN boleh menyebabkan kesan-kesan sampingan, walaupun bukan semua orang mengalaminya.

Jumpa doktor atau ahli farmasi anda dengan segera jika anda mengalami sebarang kesan-kesan sampingan selepas mengambil ubat ini.

Walaupun tidak ramai orang yang mungkin mengalaminya, kesan sampingan berikut boleh menjadi serius: Tindak balas alahan yang boleh menjejaskan seluruh badan, dengan bengkak muka, mulut dan/atau laring (peti suara) berserta gatal dan ruam mungkin berlaku semasa rawatan dengan OLMEPAN. Jika hal ini berlaku hentikan pengambilan OLMEPAN dan hubungi doktor anda dengan segera.

OLMEPAN boleh menyebabkan tekanan darah jatuh terlalu rendah pada individu yang mudah terdedah atau akibat tindak balas alahan. Tekanan darah yang terlalu rendah boleh menyebabkan pening atau pingsan. Jika hal ini berlaku, hentikan pengambilan OLMEPAN, hubungi doktor anda dengan segera dan baring menelentang.

Kekerapan tidak diketahui:

Jika bahagian putih mata anda menjadi kekuningan, air kencing anda keruh dan kulit anda terasa gatal-gatal, walaupun anda sudah lama memulakan rawatan OLMEPAN, sila hubungi doktor anda dengan segera. Beliau akan menilai simptom anda dan menentukan cara yang wajar untuk meneruskan rawatan dengan ubat tekanan darah anda.

Kesan sampingan lain yang mungkin berlaku disebabkan oleh OLMEPAN:

OLMEPAN FILM-COATED TABLETS

Olmesartan Medoxomil and Amlodipine (20mg/5mg, 40mg/5mg, 40mg/10mg)

Biasa berlaku (*mungkin melibatkan kurang daripada 1 dalam 10 orang*):
Pening; sakit kepala; bengkak buku lali, kaki, kaki, tangan atau lengan; keletihan.

Tidak biasa berlaku (*mungkin melibatkan kurang daripada 1 dalam setiap 100 orang*):

Pening semasa berdiri; kurang bertenaga; sesemut atau kebas pada tangan atau kaki; *vertigo*; terasa jantung berdebar kuat; degupan jantung yang laju; tekanan darah rendah dengan simptom-simptom seperti pening, rasa pitam; sukar bernafas; batuk; loya; muntah; ketidakhadaman; cirit-birit; sembelit; mulut kering, sakit pada bahagian abdomen atas; ruam kulit; kekejangan; sakit pada lengan dan kaki; sakit belakang; keinginan yang mendesak untuk membuang air kecil; kurang keinginan seks; ketidakupayaan untuk mencapai atau mengekalkan ereksi; rasa lemah.

Beberapa perubahan terhadap keputusan ujian darah juga telah dilihat, termasuk yang berikut: peningkatan dan penurunan paras kalium dalam darah, peningkatan paras kreatinina dalam darah, peningkatan paras asid urik, peningkatan bacaan ujian fungsi hati (paras gamma glutamyl transferase).

Jarang (*mungkin melibatkan kurang daripada 1 dalam setiap 1,000 orang*):
Hipersensitiviti ubat; pengsan; muka terasa hangat kemerahan; benjolan merah yang gatal pada kulit (geligata); bengkak muka.

Kesan sampingan ini telah dilaporkan berlaku dengan penggunaan olmesartan medoxomil atau amlodipine sahaja tetapi tidak dilaporkan dengan penggunaan OLMEPAN atau pada kekerapan yang lebih tinggi:

Olmesartan medoxomil

Biasa berlaku (*mungkin melibatkan kurang daripada 1 dalam setiap 10 orang*):

Bronchitis; sakit tekak; hidung berair atau tersumbat; batuk; sakit abdomen; keradangan usus; cirit-birit;

ketidakhadaman; loya; sakit sendi atau tulang; sakit belakang; darah dalam air kencing; jangkitan saluran kencing; sakit dada; simptom seakanakan selesema; rasa sakit.

Perubahan terhadap keputusan ujian darah telah dilihat, seperti peningkatan paras lemak (*hypertriglyceridaemia*), peningkatan paras urea atau asid urik dalam darah, dan peningkatan bacaan ujian fungsi hati dan otot.

Tidak biasa berlaku (*mungkin melibatkan kurang daripada 1 dalam 100 orang*):

Pengurangan bilangan sejenis sel darah yang dikenali sebagai platelet, hal ini boleh menyebabkan anda mudah lebam atau tempoh perdarahan berpanjangan; tindak balas alahan yang berlaku dengan pantas dan boleh melibatkan seluruh badan serta mengakibatkan masalah pernafasan dan tekanan darah jatuh mendadak sehingga mungkin menyebabkan pengsan (tindak balas *anaphylactic*); *angina* (sakit atau rasa tidak selesa pada bahagian dada, juga dikenali sebagai *angina pectoris*); kegatalan kulit; erupsi kulit; ruam alahan pada kulit; ruam berserta geligata; bengkak muka; sakit otot; berasa tidak sihat.

Jarang berlaku (*mungkin melibatkan kurang daripada 1 dalam setiap 1,000 orang*):

Bengkak muka, mulut dan/atau larinks (peti suara); kegagalan buah pinggang akut dan kekurangan fungsi buah pinggang; kelesuan.

Tidak diketahui (*kekerapan tidak dapat dianggarkan daripada data yang tersedia*):

Autoimmune hepatitis - sistem imun badan menyerang hati sehingga mengakibatkan keradangan dan kerosakan hati. Anda mungkin mengalami kekuningan pada bahagian putih mata, air kencing keruh dan kegatalan kulit.

Amlodipine

Sangat biasa berlaku (*mungkin menjejaskan lebih daripada 1 dalam 10 orang*):

Edema (pengumpulan cecair dalam badan)

Biasa berlaku (*mungkin melibatkan kurang daripada 1 dalam setiap 10 orang*):

Sakit abdomen; loya; bengkak pergelangan kaki; berasa mengantuk; muka terasa hangat kemerahan, gangguan penglihatan (termasuk penglihatan berganda dan penglihatan kabur), terasa jantung berdebar kuat, cirit-birit, sembelit, ketidakhadaman, kekejangan, rasa lemah, sukar bernafas.

Tidak biasa berlaku (*mungkin melibatkan kurang daripada 1 dalam setiap 100 orang*):

Masalah tidur; gangguan tidur; perubahan mood termasuk berasa gelisah; kemurungan; rasa cepat marah; menggigil; perubahan deria rasa dalam mulut; pengsan; bunyi berdesing dalam telinga (*tinnitus*); *angina pectoris* yang semakin teruk (sakit atau rasa tidak selesa pada bahagian dada); degupan jantung tidak teratur; hidung berair atau tersumbat; keguguran rambut; bitnik bintik atau tompokan berwarna ungu pada kulit akibat perdarahan kecil di bawah kulit (*purpura*); perubahan warna kulit; berpeluh secara keterlaluan; erupsi kulit; kegatalan kulit; benjolan merah yang gatal pada kulit (geligata); sakit sendi atau otot; kesukaran untuk membuang air kecil; keinginan yang mendesak untuk kencing pada waktu malam; lebih kerap membuang air kecil (kencing); pembesaran payudara pada lelaki; sakit dada; rasa sakit, berasa tidak sihat; peningkatan atau penurunan berat badan.

Jarang berlaku (*mungkin melibatkan kurang daripada 1 dalam setiap 1,000 orang*):

Kekeliruan

Sangat jarang berlaku (*mungkin melibatkan kurang daripada 1 dalam setiap 10,000 orang*):

OLMEPAN FILM-COATED TABLETS

Olmesartan Medoxomil and Amlodipine (20mg/5mg, 40mg/5mg, 40mg/10mg)

Pengurangan bilangan sel darah putih, justeru meningkatkan risiko jangkitan; pengurangan bilangan sejenis sel darah yang dikenali sebagai platelet, yang boleh menyebabkan anda mudah lebam atau tempoh perdarahan berpanjangan; peningkatan paras glukosa darah; otot menjadi lebih tegang atau lebih sukar melakukan pergerakan pasif (*hypertonia*); sesemut atau kebas pada tangan atau kaki; serangan penyakit jantung; keradangan saluran darah; keradangan hati atau pankreas; keradangan dinding perut; penebalan gusi; peningkatan paras enzim hati; kulit dan mata menjadi kekuningan; kulit lebih sensitif terhadap cahaya; tindak balas alahan: kegatalan kulit, ruam, bengkak muka, mulut dan/atau larinks (peti suara) berserta gatal dan ruam, tindak balas kulit yang teruk termasuk ruam kulit yang dahsyat, geligata, kemerahan kulit seluruh badan, gatal gatal yang teruk, lepuh, pengelupasan dan pembengkakan kulit, keradangan membran mukus (*Stevens-Johnson Syndrome, toxic epidermal necrolysis*) yang kadangkala boleh mengancam nyawa.

Tidak diketahui (*kekerapan tidak boleh dianggarkan daripada data yang tersedia*):

Menggeletar, postur yang kaku, tiada riak wajah, pergerakan perlahan serta gaya berjalan mengheret kaki dan tidak stabil.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [*Consumers → Reporting Side Effects to Medicines (ConSERF) or Vaccines (AEFI)*].

Cara penyimpanan dan pelupusan

OLMEPAN

- Penyimpanan

Jauhkan daripada jangkauan dan penglihatan kanak-kanak.

Jangan simpan pada suhu melebihi 30°C.

- Pelupusan

Ubat-ubatan tidak seharusnya dilupuskan melalui air buangan atau buangan isi rumah.

Sila rujuk kepada ahli farmasi anda mengenai cara untuk melupuskan ubat-ubatan yang tidak diperlukan lagi.

Langkah-langkah ini akan membantu melindungi alam sekitar.

Maklumat lanjut

- Rupa dan warna produk

OLMEPAN 20mg/5mg Film-Coated Tablets:

Tablet bersalut filem biconvex bulat putih, diukir dengan 'L' pada satu bahagian, kosong di sebelah yang lain

OLMEPAN 40mg/5mg Film-Coated Tablets:

Tablet bersalut filem biconvex bulat kuning, diukir dengan 'I' pada satu bahagian, kosong di sebelah yang lain.

OLMEPAN 40mg/10mg Film-Coated Tablets:

Tablet bersalut filem biconvex bulat merah-coklat, diukir dengan 'H' pada satu bahagian, kosong di sebelah yang lain

- Bahan-bahan kandungan

- Bahan aktif

Bahan-bahan aktif ialah olmesartan medoxomil dan amlodipine (sebagai besylate).

OLMEPAN 20mg/5mg Film-Coated Tablets:

Setiap tablet bersalut filem mengandungi 20 mg Olmesartan medoxomil dan 5 mg Amlodipine (sebagai besylate).

OLMEPAN 40mg/5mg Film-Coated Tablets:

Setiap tablet bersalut filem mengandungi 40 mg Olmesartan medoxomil dan 5 mg Amlodipine (sebagai besylate).

OLMEPAN 40mg/10mg Film-Coated Tablets:

Setiap tablet bersalut filem mengandungi 40 mg Olmesartan medoxomil dan 10 mg Amlodipine (sebagai besylate).

- Bahan tidak aktif

Teras tablet

Cellulose microcrystalline
Croscarmellose sodium
Silica colloidal anhydrous
Magnesium stearate

Salutan Tablet

Polyvinyl alcohol

Macrogol 3350

Talc

Titanium dioxide (E171)

Iron oxide red (E172) (40mg/10mg film coated tablets sahaja)

Iron oxide yellow (E172) (40mg/5mg dan (40mg/10mg film coated tablets sahaja)

- Nombor MAL

OLMEPAN 20mg/5mg Film-Coated Tablets: MAL*****

OLMEPAN 40mg/5mg Film-Coated Tablets: MAL*****

OLMEPAN 40mg/10mg Film-Coated Tablets: MAL*****

Pengilang

GENEPHARM S.A. 18th Km.
Marathonos Avenue, 15351 Pallini,
Greece

Pemegang Pendaftaran Produk

Medispec (M) Sdn Bhd
B-1-07, Jalan SS 25/22,
Taman Mayang,
47301 Petaling Jaya, Selangor,
Malaysia

Tarikh kemaskini RiMUP

5.1.2026

Nombor Siri

NPRA (R2) 25/042